

Majlis Sambutan
**MAAL
HIJRAH
1447H**



MEMBANGUN UMMAH MADANI

Prakata

Mufti Kerajaan Negeri Negeri Sembilan Darul Khusus

الْحَمْدُ لِلَّهِ رَبِّ الْعَالَمِينَ وَالصَّلَاةُ وَالسَّلَامُ عَلَى أَشْرَفِ
الْأَنْبِيَاءِ وَالْمُرْسَلِينَ وَعَلَى آلِهِ وَصَحْبِهِ أَجْمَعِينَ.

Bersempena dengan Majlis Sambutan Ma'al Hijrah Peringkat Negeri bagi tahun 1447H/2025M, Jabatan Mufti Kerajaan Negeri, Negeri Sembilan Darul Khusus telah menyediakan risalah khas Do'a Awal dan Akhir Tahun Hijriyyah untuk dibaca bersama-sama oleh umat Islam di Negeri Sembilan. Semoga dengan amalan ini, kita akan diberkati dan dilindungi oleh Allah swt untuk menghadapi tahun yang akan datang.

Membaca do'a pada awal dan akhir tahun ini bukan perkara yang bertentangan dengan agama. Hal ini kerana do'a merupakan ibadah dan dikira sebagai amalan keta'atan. Al-Imam Ibn Rejab al-Hanbali menyatakan di dalam kitabnya "Lataif al- Ma'arif" :

...maka dia menutup tahun itu dengan amal keta'atan dan membukanya dengan keta'atan jua, dengan harapan dicatat baginya sepanjang tahun itu dengan amal keta'atan di mana sesiapa melakukan pada awal

dan akhirnya dengan amal keta'atan maka dia termasuk tenggelam melakukan keta'atan antara dua amalan.

Pada hari yang berkat ini, dibaca doa Awal dan Akhir Tahun Hijriyyah oleh umat Islam sama ada bersendirian atau berkumpul di masjid-masjid atau selainnya. Ia dibaca sama ada secara talaqqi (seorang baca kemudian diikuti oleh orang ramai) atau seorang membacanya kemudian diaminkan oleh yang lain sebagaimana yang dimaklumi.

Bersama risalah ini, disisipkan bahan bacaan bertajuk **PEMBINAAN GENERASI BERKUALITI** oleh Y.Bhg Dr. Siddiq Fadzil. Semoga kita boleh mengambil iktibar daripada tulisan beliau dengan melakukan perubahan diri ke arah kebaikan dan menitik-beratkan pembentukan generasi akan datang yang berkualiti sesuai dengan tema Sambutan Maal Hijrah pada tahun ini “Membangun Ummah Madani”

Saya mengucapkan ribuan terima kasih kepada semua pihak yang terlibat menjayakan penerbitan risalah ini.

Sekian.



**PROF. MADYA DATO' DR. FAUDZINAIM BIN
HJ. BADARUDDIN**

Mufti Kerajaan Negeri,
Negeri Sembilan Darul Khusus.

Do'a Akhir Tahun Hijrah

بِسْمِ اللَّهِ الرَّحْمَنِ الرَّحِيمِ

الْحَمْدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى
سَيِّدِنَا مُحَمَّدٍ، وَعَلَى آلِهِ وَصَحْبِهِ أَجْمَعِينَ.
اللَّهُمَّ مَا عَمَلْنَا فِي هَذِهِ السَّنَةِ مِمَّا نَهَيْتَنَا عَنْهُ
فَلَمْ نَتُبْ مِنْهُ، وَلَمْ تَرْضَهُ وَلَمْ تَنْسَهُ، وَحَلِمْتَ
عَلَيْنَا بَعْدَ قُدْرَتِكَ عَلَى عُقُوبَتِنَا وَدَعَوْتِنَا إِلَى
التَّوْبَةِ مِنْهُ بَعْدَ جَرَائِئِنَا عَلَى مَعْصِيَتِكَ، فَإِنَّا
نَسْتَغْفِرُكَ فَاغْفِرْ لَنَا، وَمَا عَمَلْنَا مِمَّا تَرْضَاهُ،
وَوَعَدْتَنَا عَلَيْهِ الثَّوَابَ، فَنَسْأَلُكَ اللَّهُمَّ يَا كَرِيمُ يَا
ذَا الْجَلَالِ وَالْإِكْرَامِ، أَنْ تَتَقَبَّلَهُ مِنَّا وَلَا تَقْطَعْ
رَجَاءَنَا مِنْكَ يَا كَرِيمُ. رَبَّنَا ءَاتِنَا فِي الدُّنْيَا
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.
وَصَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ
وَصَحْبِهِ أَجْمَعِينَ وَالْحَمْدُ لِلَّهِ رَبِّ الْعَالَمِينَ.

Yang bermaksud, *Segala puji bagi Allah, Tuhan sekalian alam. Selawat dan salam ke atas penghulu kami Nabi Muhammad s.a.w, serta ke atas ahli keluarga dan para sahabat Baginda seluruhnya.*

Ya Allah, apa-apa tegahan dan larangan-Mu yang telah kami lakukan pada tahun ini, dan kami belum bertaubat daripadanya, sedangkan Engkau tidak redha dan melupakan akan perbuatan itu, Engkau telah lemah-lembut terhadap kami, walaupun Engkau berkuasa untuk menghukum kami, dan Engkau tetap menyeru kami supaya bertaubat daripadanya setelah kami berani melakukan maksiat terhadap-Mu. Maka sesungguhnya kami memohon keampunan daripada-Mu, maka ampunilah kami.

Dan apa-apa yang telah kami lakukan daripada perkara-perkara yang Engkau redhai, dan Engkau telah janjikan ganjaran pahala atasnya, maka kami memohon kepada-Mu, ya Allah, Tuhan yang Maha Pemurah, Tuhan yang memiliki keagungan dan kemuliaan — terimalah ia daripada kami, dan janganlah Engkau putuskan harapan kami kepada-Mu, Tuhan yang Maha Pemurah.

Wahai Tuhan kami, kurniakanlah kepada kami kebaikan di dunia dan di akhirat, serta peliharalah kami daripada azab api neraka.

Selawat dan salam ke atas penghulu kami Nabi Muhammad s.a.w dan ke atas ahli keluarganya serta para sahabat Baginda seluruhnya. Dan segala puji bagi Allah, Tuhan sekalian alam.

Amin ya Rabbal ‘alamin

Do'a Awal Tahun Hijrah

بِسْمِ اللَّهِ الرَّحْمَنِ الرَّحِيمِ

الْحَمْدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى
أَشْرَفِ الْأَنْبِيَاءِ وَالْمُرْسَلِينَ سَيِّدِنَا مُحَمَّدٍ، وَعَلَى
آلِهِ وَصَحْبِهِ أَجْمَعِينَ. اَللّهُمَّ أَنْتَ الْأَبَدِيُّ الْقَدِيمُ
الْأَوَّلُ وَعَلَى فَضْلِكَ الْعَظِيمِ وَجُودِكَ الْمُعَوَّلِ،
وَهَذَا عَامٌ جَدِيدٌ قَدْ أَقْبَلَ عَلَيْنَا، نَسْأَلُكَ الْعِصْمَةَ
فِيهِ مِنَ الشَّيْطَانِ الرَّجِيمِ وَأَوْلِيَاءِهِ وَجُنُودِهِ،
وَالْعَوْنَ عَلَى هَذِهِ النَّفْسِ اللَّامَّارَةِ بِالسُّوءِ،
وَالِاشْتِعَالَ بِمَا يُقَرِّبُنَا إِلَيْكَ زُلْفَى. اَللّهُمَّ يَا مُحَوِّلَ
الْأَحْوَالِ حَوِّلْ حَالَنَا إِلَى أَحْسَنِ الْأَحْوَالِ بِحَوْلِكَ
وَقُوَّتِكَ يَا عَزِيزُ يَا مُتَعَالٍ. رَبَّنَا ءَاتِنَا فِي الدُّنْيَا
حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.
وَصَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ
وَصَحْبِهِ أَجْمَعِينَ وَالْحَمْدُ لِلَّهِ رَبِّ الْعَالَمِينَ.

Yang bermaksud, Segala puji bagi Allah, Tuhan sekalian alam. Selawat dan salam ke atas semulia-mulia para nabi dan rasul, penghulu kami Nabi Muhammad s.a.w, serta ke atas ahli keluarga dan para sahabat Baginda seluruhnya.

Ya Allah, Tuhan Yang Kekal Abadi, dengan limpah kurnia dan kepermurahan-Mu, kini telah datang kepada kami tahun baru, maka kami memohon perlindungan-Mu daripada syaitan yang direjam, para pengikut dan tenteranya. Kami memohon pertolongan-Mu mengatasi nafsu yang sentiasa mendorong kepada kejahatan, dan bantulah kami melakukan segala perkara yang memungkinkan kami mendampingi-Mu.

Ya Allah, wahai Tuhan yang membolak-balikkan segala keadaan, ubahlah keadaan kami kepada keadaan yang paling baik dengan kekuasaan dan kekuatan-Mu, wahai Tuhan yang Maha Perkasa lagi Maha Tinggi.

Wahai Tuhan kami, kurniakanlah kepada kami kebaikan di dunia dan di akhirat, serta lindungilah kami daripada azab api neraka.

Selawat dan salam ke atas penghulu kami Nabi Muhammad s.a.w serta ke atas ahli keluarga dan para sahabat Baginda seluruhnya. Dan segala puji bagi Allah, Tuhan sekalian alam.

Amin ya Rabbal ‘alamin

Do'a Dibaca Dari Awal Muharram Hingga Hari Kesepuluh Muharram

بِسْمِ اللَّهِ الرَّحْمَنِ الرَّحِيمِ

اَللّٰهُمَّ اِنَّكَ قَدِيْمٌ وَهَذَا عَامٌ جَدِيْدٌ قَدْ اَقْبَلَ وَسَنَةٌ
جَدِيْدَةٌ قَدْ اَقْبَلَتْ، نَسْأَلُكَ مِنْ خَيْرِهَا وَنَعُوْذُ بِكَ
مِنْ شَرِّهَا، وَنَسْتَكَفِيْهَا فَوَاتَهَا وَشَعْلَهَا فَارْزُقْنَا
العِصْمَةَ مِنَ الشَّيْطَانِ الرَّجِيْمِ. اَللّٰهُمَّ اِنَّكَ
سَلَّطْتَ عَلَيْنَا عَدُوًّا بَصِيْرًا بَغِيُوْبِنَا وَمُطَّلَعًا
عَلَى عَوْرَاتِنَا مِنْ بَيْنِ اَيْدِيْنَا وَمِنْ خَلْفِنَا وَعَنْ
اَيْمَانِنَا وَشَمَائِلِنَا يَرَانَا هُوَ وَقَبِيْلُهُ مِنْ حَيْثُ
لَا نَرَاهُمْ، اَللّٰهُمَّ اَيْسُهُ مِنَّا كَمَا اَيْسَتْهُ مِنْ
رَحْمَتِكَ وَقَتِّطُهُ مِنَّا كَمَا قَتَّطْتُهُ مِنْ عَفْوِكَ
وَبَاعِدْ بَيْنَنَا وَبَيْنَهُ كَمَا حُلْتَ بَيْنَهُ وَبَيْنَ
مَغْفِرَتِكَ، اِنَّكَ قَادِرٌ عَلَى ذٰلِكَ وَاَنْتَ الْفَعَالُ
لِمَا تُرِيْدُ. وَصَلَّى اللّٰهُ تَعَالٰى عَلَى سَيِّدِنَا مُحَمَّدٍ
وَعَلَى اٰلِهِ وَصَحْبِهِ وَسَلَّمَ.

(Dibaca sebanyak 3 kali)

Doa 'Asyura'
Ayat Ini Dibaca Pada Hari
Kesepuluh Muharram

بِسْمِ اللَّهِ الرَّحْمَنِ الرَّحِيمِ

1. حَسْبُنَا اللَّهُ وَنِعْمَ الْوَكِيلُ نِعْمَ الْمَوْلَى وَنِعْمَ النَّصِيرُ.

(Dibaca sebanyak 70 kali)

2. سُبْحَانَ اللَّهِ مَلَأَ الْمِيزَانَ وَمُنْتَهَى الْعِلْمِ وَمَبْلَغُ

الرِّضَا وَزِينَةُ الْعَرْشِ لَا مَلْجَأَ وَلَا مَنْجَا مِنْ اللَّهِ

إِلَّا إِلَيْهِ. سُبْحَانَ اللَّهِ عَدَدَ الشَّفْعِ وَالْوَتْرِ وَعَدَدَ

كَلِمَاتِ اللَّهِ التَّامَّاتِ كُلِّهَا أَسْأَلُكَ السَّلَامَةَ

كُلِّهَا بِرَحْمَتِكَ يَا أَرْحَمَ الرَّاحِمِينَ، وَلَا حَوْلَ وَلَا

قُوَّةَ إِلَّا بِاللَّهِ الْعَلِيِّ الْعَظِيمِ، وَهُوَ حَسْبِي

وَنِعْمَ الْوَكِيلُ نِعْمَ الْمَوْلَى وَنِعْمَ النَّصِيرُ

وَصَلَّى اللَّهُ عَلَى سَيِّدِنَا مُحَمَّدٍ كُلَّمَا ذَكَرَهُ

الذَّاكِرُونَ وَغَفَلَ عَنْ ذِكْرِهِ الْغَافِلُونَ.

(Dibaca sebanyak 7 kali)

3. اَللّٰهُمَّ يَا مُفَرِّجَ كُلِّ كَرْبٍ وَيَا مُخْرِجَ ذِي
النُّونِ يَوْمَ عَاشُورَاءَ وَيَا جَامِعَ شَمْلِ
يَعْقُوبَ يَوْمَ عَاشُورَاءَ وَيَا غَافِرَ ذَنْبِ
دَاوُدَ يَوْمَ عَاشُورَاءَ وَيَا كَاشِفَ ضُرِّ
أَيُّوبَ يَوْمَ عَاشُورَاءَ وَيَا سَامِعَ دَعْوَةِ
مُوسَى وَهَارُونَ يَوْمَ عَاشُورَاءَ وَيَا خَالِقَ
رُوحِ سَيِّدِنَا مُحَمَّدٍ صَلَّى اللهُ عَلَيْهِ وَسَلَّمَ
حَبِيبِهِ وَمُصْطَفَاهُ يَوْمَ عَاشُورَاءَ وَيَا
رَحْمَنَ الدُّنْيَا وَالْآخِرَةِ لَا إِلَهَ إِلَّا أَنْتَ
اقْضِ حَاجَتِي فِي الدُّنْيَا وَالْآخِرَةِ وَأَطْلُ
عُمْرِي فِي طَاعَتِكَ وَمَحَبَّتِكَ وَرِضَاكَ
يَا أَرْحَمَ الرَّاحِمِينَ صَلَّى اللهُ تَعَالَى عَلَى
سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ.

Pembinaan Generasi Berkualiti

Oleh: Dr. Siddiq Fadzil



Pada mulanya tampak seperti suatu gurauan ketika saidina “Umar Ibn al-Khattab r.a. mengajak kawan-kawannya yang sedang berhimpun di sebuah rumah itu supaya berangan-angan, mengkhayalkan apa yang paling mereka inginkan ketika itu. Seorang dari mereka bersuara :

“Aku mengangan-angankan agar rumah ini dipenuhi emas yang nanti akan aku belanjakan di jalan Allah”.

Seorang yang lain pula menyampuk,

“Aku pula mengangan-angankan agar rumah ini dipenuhi intan permata yang nanti akan aku sedekahkan dan belanjakan di jalan Allah”.

Begitulah seterusnya hingga mereka kehabisan angan-angan,

“Kami tidak tahu apa lagi yang harus kami katakan wahai Amir al-Mu’minin”.

Setelah itu barulah saidina ‘Umar sendiri menyatakan keinginannya,

“Aku mempunyai keinginan lain. Aku menginginkan sejumlah orang-orang hebat seperti Abu ‘Ubaydah ibn al-Jarrah, Mu’adh ibn Jabal dan Salim Maula Abi Hudhaifah untuk membantu aku mendaulatkan kalimah Allah”.

Ternyata ia bukan sekadar suatu gurauan, tetapi suatu dialog yang cukup bermakna. Dialog yang membawa mesej tentang pentingnya membina generasi yang berkualiti untuk melaksanakan impian dan cita-cita umat. Dalam rangka menjayakan risalahnya – membangun umat dan tamadun yang unggul – Nabi s.a.w. telah melaksanakan program pembinaan kelompok teras yang menulang-belakangi pembentukan umat baru. Kelompok teras yang berkualiti itulah yang disebut oleh Sayid Qutb sebagai “Generasi Qur’anic yang unik”.

Generasi tersebut telah mengalami transformasi radikal menerusi penghayatan nilai-nilai dinamik dari al-Quran. Sejumlah tokoh kaliber dunia telah ditampilkan serentak, dengan setiap orang mencapai keunggulan dibidang masing-masing. Rasulullah s.a.w. adalah pemimpin dan pendidikan yang cukup

mengenali potensi para pengikutnya, lalu Baginda memberikan galakkan dan bimbingan yang secukupnya sehingga potensi-potensi itu dapat berkembang.

Di bawah pimpinan Rasulullah s.a.w. semua orang mendapat kesempatan untuk mengembangkan bakat dan potensinya, termasuk mereka yang pernah memusuhi Islam seperti 'Umar ibn al-Khattab dan Khalid ibn al-Walid. Rasulullah s.a.w. tidak mendiskriminasikan mereka dan tidak mengungkit-ungkit masa silam mereka. Malah Baginda dan umat Islam seluruhnya merasakan mereka sebagai aset besar kepada Islam.

Dalam “budaya kualiti” zaman tersebut tidak ada amalan cantas-mencantas terhadap golongan muda yang berbakat. Dalam suasana demikianlah orang-orang muda seperti Usamah ibn Zayd diberi kesempatan memimpin ekspidisi ketenteraan ketika usianya masih dalam lingkungan belasan tahun. Memang dalam beberapa hal tamadun Islam memberikan penilaian tertentu kepada faktor kekananan atau seniority. Tetapi ia bukan suatu yang

mutlak. Penilaian terhadap faktor seniority tidak seharusnya sampai menjejaskan perkembangan bakat-bakat muda. Amalan mengutamakan potensi ini terus melanjut ke zaman-zaman selepas era Nabawiy. Di katakan dalam satu pertemuan dengan seorang Khalifah Umayyah, seorang anak muda telah tampil sebagai juru bicara kaumnya. Khalifah tersebut semacam keberatan menerimanya lalu berkata, "Tampillah yang lebih tua daripada kamu". Anak muda itu menjawab "Wahai Amir al-Mu'minin, andainya keutamaan itu berdasarkan umur, rasanya ada orang lain yang lebih berhak untuk menjadi khalifah dari tuan".

Pembinaan generasi teras yang berkualiti itu tidak juga berasaskan kepada faktor keturunan. Tidak ada diskriminasi dalam pengembangan potensi, hatta terhadap anak Abu Jahal sekalipun. Amalan mewariskan posisi penting kepada anak-cucu tanpa memperhitungkan bakat dan potensi akan mengakibatkan pudarnya kualiti. Hal ini telah diisyaratkan dalam Al-Quran ketika Allah mengangkat Nabi Ibrahim a.s. sebagai pemimpin manusia, lalu Nabi Ibrahim meminta agar dari kalangan

zuriatnya juga akan diangkat menjadi pemimpin. JawapanNya:

“JanjiKu tidak untuk orang-orang yang zalim”.

(Surah al-Baqarah : 124)

Memang Tuhan qabulkan permintaan Nabi Ibrahim itu dengan melantik keturunannya menjadi Nabi, tetapi tidak semua keturunan Nabi Ibrahim a.s. layak dan berhak menjadi pemimpin. Hanya yang berkualiti adil sahaja yang akan dilantik.

Dari satu segi bilangan yang ramai atau kuantiti itu penting terutama dalam konteks sistem demokrasi seperti yang kita amalkan sekarang ini. Tetapi kuantiti tanpa kualiti tidak akan membawa kita ke mana-mana. Dalam suasana-suasana tertentu nilai seorang yang berkualiti tinggi mungkin mengatasi ratusan orangyangtidakberkualiti. DalamsejarahIslam pernah terjadi peristiwa yang mengesahkan kenyataan tersebut. Ketika Khalid ibn al-Walid mengepung al-Hirah, beliau telah meminta bantuan tambahan tentera kepada Khalifah Abu Bakr as-Siddiq r.a., tetapi Abu Bakr tidak menghantar bantuan pasukan tentera, yang

dihantar kepada Khalid hanya al-Qa'qa' ibn 'Umar at-Tamimiy seorang sahaja. Kata Abu Bakr, "Pasukan tentera yang mengandungi orang seperti beliau tidak akan dapat dikalahkan. Kehadiran dan suara seorang al-Qa'qa' di tengah tentera Islam lebih bererti dari tambahan seribu pejuang". Ini bererti sumbangan, fikiran bernas, khidmat dan do'a seorang yang berkualiti dan berkaliber besar seperti beliau itu lebih bererti dari hingar-bingar dan riuh-rendah orang ramai di pinggir jalan.

Dalam hubungan nilai kualiti ini al-Quran menyatakan :

"Katakanlah: Tidak sama yang buruk denganyangbaik,meskipun banyaknya yang buruk itu menarik hatimu..."

(Surah al-Ma'idah : 100)

Pembinaan generasi pelanjut yang berkualiti seharusnya mendapat perhatian utama *outgoing generation* atau generasi yang akan pergi. Pemimpin-pemimpin masa kini seharusnya mempunyai keinginan seperti keinginan saidina 'Umar ibn al-Khattab tadi. Keinginan untuk punya generasi pelanjut

yang cukup '*competent*' dan berkemampuan menghadapi cabaran hari depan. Kejayaan wawasan akan datang banyak bergantung kepada keupayaan generasi sekarang membina kualiti generasi pelanjut itu.

Sebagaimana yang telah banyak diramalkan bahawa masyarakat wawasan akan datang merupakan masyarakat persaingan yang sengit. Sekarang ini pun kita sedang sama-sama merasakan betapa cemasnya menyaksikan generasi anak-anak kita yang berhempas-pulas dan tercunggap-cunggap menghadapi saingan di pelbagai bidang terutama di bidang pendidikan.

Memang kita telah melaksanakan pelbagai strategi untuk memperkuat generasi muda Melayu-Muslim ini, tetapi ternyata saingan-saingan kita juga punya strategi mereka sendiri. Malah mustahil generasi Melayu-Muslim abad mendatang ini akan menghadapi cabaran generasi baru bukan Melayu yang lebih agresif. Sekarang pun kita sudah merasai bahangnya. Oleh itu strategi dan program pembinaan generasi pelanjut ini perlu diberi perhatian yang lebih serius.

Al-Quran sendiri telah menyinggung soal keprihatinan terhadap nasib generasi mendatang dan perlunya membina generasi yang kuat.

“Dan mereka seharusnya takut kepada Allah, andainya meninggalkan dibelakang mereka zuriat turunan yang lemah...”

(Surah al-Nisa' : 9)

Ayat tersebut terasa mengandungi semacam ancaman terhadap *outgoing generation* andainya mereka mengabaikan tanggungjawab membina generasi pewaris yang kuat, generasi yang beriman dan beramal, berilmu dan berakhlak, berotak cerdas dan berjiwa murni.

